

Tales denique, ut uno verbo dicam, omnes hæretici, non modo veteres, sed etiam moderni, qui simillimi sunt falsis Prophetis in veteri Testamento. 1. Quia falsi Prophetæ dicebant, se missos esse à Deo. 2. Non poterant probare, se missos esse. 3. Semper fausta, & quæ populo grata erant, vaticinabantur; ut pacem, victoriam, fertilitatem, & rerum omnium abundantiam. Ierem. 14.13. Et ideo à plerisque libenter audiebantur.

10. Similiter faciunt moderni nostri Prophetæ. Primo aiunt, se à Deo missos esse ad reformatam Ecclesiam. Secundo, non possunt probare se missos esse: Nec villo miraculo aut veraci prædictione id haec tenus probarunt. Prædixit quidem Lutherus: *peccatis eram viuus, moriens ero mortua, Papa:* sed fuit mendax prædictio. Mortuus est Lutherus, viuit adhuc Papa. Tertiò, semper fausta, & quæ populo grata sunt, vaticinantur. Eorum vox est, per fidem saluabimini: Bona opera nihil proderunt: Non opus est ieconiis & castigatione corporis: Crescite & multiplicamini: Si non vult vxor, veniat ancilla. Hanc vocem plerique libentius audiunt, quam illam Christi & Apostolorum: *Penitentiam agite: Mortificate membra vestra, quæ sunt super terram: Abstinete à carnalibus desideriis: Sobrij estote, & vigilate.*

CAPVT

CAPVT IX.

RAETER Leuitas, Sacerdotes, Pontifices, & Prophetas, de quibus dictum est, erant etiam alij in veteri Testamento, qui à communi populo distinguebantur.

Primo, quidem Nazarai & Rechabitæ, qui erant quasi Religiosi: Deinde Esseni, Pharisæi, & Saducæi, qui erant quasi sectarij. De vtrisque agendum est. De prioribus in hoc capite: De posterioribus in sequenti.

Nazarei.

2. Igitur Nazarei, apud Iudeos, erant homines Religiosi, (seu virti, seu fœminæ) qui voto se consecrabant Deo, & à communi aliorum consuetudine separabant. Erant autem duplices. Alij temporarij, qui ad certum tempus obligabant se voto, ut ad unum mensem, duos, tres, vel ultra. Numer. 6.13. & sequentib. Alij perpetui, qui ad totam vitam erat obstricti, ut Samson & Samuel. Iudic. 13.7. & 1. Reg. 1.28. Vocabantur autem Nazarai, id est, separati, consecrati, comati, (Cornelius in cap. 6. Numer. versu 9. & Castrius in cap. 4. Lamentationū Ierem.) Et poterant esse ex quauis tribu. Nec, quatenus præcisè erant Nazarai, ad ullam Leuiticam, aut Sacerdotalem functionem

O s obli

obligabantur. (Serarius in cap. 1.; Iudic. quæst. 5.)

3. Statuta eorum describuntur à Moysè, Num. 6. Erant autem hæc. 1. Abstinebant à vino, & ab omni potu, qui inebriare potest: Itémque ab accepto, & vuis, tam siccis, quam recentibus. 2. Alebant comam toto tépore separationis suæ. Vel, vt Scriptura loquitur, *Nouacula non transibat per caput eorum.* 3. Non ibant ad funus, vel cadauer mortui, ne quidem patris aut matris. Et generatim, nō debebant super mortuo contaminari. Quartò, in fine voti seu separationis, (quod intelligendum est de temporariis) offerebant ad ostium tabernaculi tres viætmas. 1. Agnum anniculū in holocaustum. 2. Agnam anniculā in sacrificiū pro peccato. 3. Arietem in hostiam pacificam: Et præter hæc, Canistrum panum azymorum, qui conspersi erat oleo: & lagena absque fermento vñcta oleo: ac libamina singulorum. His peractis, radebantur ante ostium tabernaculi; & capilli eorum, qui erant Deo consecrati igne comburebantur. Et sic erat finis voti ac separationis. Vide infrà capite decimoquinto.

4. Circa tertium statutū, notandum est, Iudæos variis modis solere contaminari super mortuos. 1. Si essent in domo, in qua quis erat moriturus. 2. Si tangenterent cadauer mortui, aut ossa illius. 3. Si attingerent vase, quibus fuerat usus. 4. Si tangenterent illius sepulchrum. 5. Si irent ad funus mortui. Numer. 19. v. 11. & seqq. His omnibus modis contaminabantur etiam Nazaræi: Et insuper alio peculiari modo; si nimis erant in aliquo loco, ubi quis moretur. Si ergo aliquo istorum modorum fuissent contaminati tempore separationis

tionis suæ, debebant rasu capite & oblato sacrificio expiari, & de nouo consecrari, non secus, ac si antea non fuissent Nazaræi. (Num. 6. 9.) Itaque si quis illorum voulisset separationem per dece menses, & in aliquo istorum mensium fuisset contaminatus, debebat ab initio inchoare dece menses, perinde ac si antea non fuisset separatus. (Num. 6. 12.)

5. Erant autem Nazaræi in magno honore apud Iudeos. Et meritò. Nam ipsemet Deus per Prophetam Amos, cap. 2. recensens beneficia, quæ præstiterat populo Iudæorum, commemorat potissimum hæc tria. 1. Ego sum, qui ascendere vos feci de terra Ægypti. 2. Ego exterminavi Amorrah. 3. Ego suscitavi de filiis vestris in Prophetas, & de iuuenibus vestris Nazaræos. Quod etiam confirmatur ex lib. 1. Machabæorum, cap. 3. v. 49. Cùm enim Iudæi congregati essent in Maspera, & audirent appropinquare exercitum Antiochi Regis; maximè fuerunt solliciti de Nazaræis, ut illi in tuto collocarentur. Textus sic habet: *Attulerunt ornamenta Sacerdotalia, & primicias & decimas: & suscitauerunt Nazaræos, qui impluerant dies: & clamauerunt voce magna in cœlum, dicentes: Quid faciamus istis, & quod eos ducemus?*

6. Quæres 1. Quamdiu durauerit institutum Nazaræorum? Respondeo: Durauit ab initio legis Mosaïcae, usque ad tempora Apostolorum. Nam Moyses descripsit illum institutum, vt paulo ante dixi. Et Paulus Apostolus cum quibusdam aliis hoc institutum amplexus est, vt patet Actorum 18. : 8. Et Act. 21. : 23. Nec obstat, quod Ioseph Patriarcha, qui dum vixit ante legem Mosaicam, vocetur

vocetur Nazaræus. Genef. 49.26. Non enim vocatur Nazaræus, ratione instituti seu voti, sed ratione vocabuli; quia Nazaræus idem est, quod separatus. Ioseph autem fuit separatus à fratribus. Et quidem multis modis. 1. Moribus & innocentia. 2. Cōuersatione, quia fratres oderant illum, & abhorreabant ab illius consortio. 3. Loco, quia fuit venditus in Ægyptum, & per multos annos separatus à fratribus habitantibus in Chanaam. 4. Carcere, in quo mansit intonsis crinibus, ac quasi Deo relictus & consecratus. Vide Cornelium in cap. 49. Genesis, vers. 26.

7. Quæres 2. Qui apud Christianos sint similes Nazaræis Iudeorum? Respondeo. Religiosi, quorum typum seu figuram gesserunt Nazaræi, ut notat Nazianzenus orat. in laudem S. Basilij, Gregorius lib. 2. Moral. c. 39. D. Thom. in 2. 2. q. 186. art. 6. Figura consistit in his. Primò, Sicut Nazaræi speciali gratia à Deo suscitabantur. Amos 2. 11. ita etiam Religiosi. Secundò, Sicut illi erant separati à communi hominum conuictu & consuetudine, ita & hi. Tertiò, Sicut illi, ratione voti, abstinebant à vino & omni potu, qui inebriare potest; ita & hi, ratione voti, sectantur paupertatem & frugalitatem. Quartò, Sicut illi cauebant ab omni immunditia legali, etiam minima; ita & hi à minima labe peccati. Quintò, Sicut illi non ibant ad funera parentum suorum; ita & hi deponunt omnem affectum carnalem erga parentes & amicos. Sextò, Sicut illi alebant in capite comam Deo consecratam; ita & hi alunt pias meditationes de rebus ad Deum pertinentibus. Septimò, Sicut illi, qui à Deo consecrati erant, à populo honorabantur; ita & hi.

Denique

Denique sicut illi in fine separationis offerebant Deo victimas immaculatas; ita & hi in fine vitæ offerunt Deo animas immaculatas. Vide eundem Cornelium in cap. 6. Numer. vers. 9.

Rechabite.

8. Rechabitæ dicti sunt à Rechab, qui fuit Pater Ionadab. Hic Ionadab præcepit filii & posteris suis hæc tria. 1. Ut non biberent vinum. 2. Ut non ædificarent domos, sed habitatrent in tabernaculis. 3. Ut non sererent fermentum, nec plantarent vineas. Quæ omnia accuratissimè ipsi seruabant. Ierem. 35. 6. & sequent. Ob hanc causam Monachi à D. Hieronymo appellati sunt Epist. 13. ad Paulinum.

9. Vixit autem Ionadab sub Iosia Rege Iuda, & Iehu Rege Iſraël. Nam 4. Reg. 10. 15. sic legimus: *Cumque abiſſet inde, inuenit Ionadab filium Rechab in occurſum ſibi, & benedixit ei. Et ait ad eum: Nunquid eſt cor tuum rectum, ſicut cor meum cum corde tuo? Et ait Ionadab. Eſt. Si eſt, inquit, da manum tuam. Qui dedit ei manum tuam. At ille leuauit eum ad ſe, in curru: dixi- que ad eum: Veni mecum, & vide zelum meum pro Domino. Et imposi- tum in curru ſuo duxit illum in Samaria. Et percuſſit omnes, qui reliqui fuerant de Achab in Samaria usque ad unum, iuxta verbum Domini, quod locutus eſt per Eliam. Congregauit ergo Iehu omnem populum, & dixit ad eos, &c.*

10. Porro Rechab, à quo dicti sunt Rechabitæ, fuit filius Hemath, ducens originē ex ſocero Moysis Raguele, qui alio nomine dictus eſt Iethro, Princeps Madian, Exod. 3. 1. & Cinæus, qui erat ex stirpe Cin. Iudic. 1. 16. Vnde ſep̄e pro eodem uſur- pantur

pantur hæc duo nomina, Cinei, & Rechabitæ, ut in Paral. 2. 55. His sunt Cinei, qui venerunt de calore patria domus Rechab. Vel ut Hebræi & septuaginta dicunt: Qui venerunt de Hemanth patre domus Rechab, id est, familiæ Rechabitarum.

11. Quod autem Deo placuerit institutum Rechabitarum, aperte constat ex Ieremias loco citato, ubi sic legimus: Verbum quod factum est ad Ieremiam à Domino in diebus Iakim filii Iosia Regis Iuda, dicens: Vade ad dominum Rechabitarum, & loquere eis, & introduces eos in dominum Domini in unam exedram thesaurorum, & dabis eis bibere vinum, &c. Et introduxi eos in Domum Domini, &c. Et posui coram filiis Rechabitarum scyphos plenos vino, & calices, & dixi ad eos: Bibite vinum. Qui responderunt: Non bibemus vinum, quia Ionadab filius Rechab, Pater noster, præcepit nobis, dicens: Non bibetis vinum vos, & filii vestri usque in sempiternum: Et dominum non edificabitis, & semen eum non seretis, & vineas non plantabitis, nec habebitis, sed in tabernaculis habitabitis cunctis diebus vestris, et vivatis diebus multis super faciem terre, in qua vos peregrinamini. Obediimus ergo vocis Ionadab filii Rechab, Patris nostri in omnibus, que præcepit nobis, ita ut non biberemus vinum cunctis diebus nostris, nos, & mulieres nostræ, filii & filiae nostræ: & non edificaremus domos ad habitandum: & vineam & agrum, & semen eum non habuimus: sed habuimus in tabernaculis, & obedientes fuimus circa omnia, que præcepit nobis Ionadab Pater noster, &c. Et factum est verbum Domini ad Ieremiam, dicens: Hoc dicit Dominus exercituum Deus Israël: Vade & dic filii Iuda, & habitatoribus Ierusalem. Nunquid non recipietis disciplinam, ut obediatis verbis meis, dicit Dominus? prævaluerunt sermones

Ionadab

Ionadab filii Rechab, quos præcepit filius suis, ut non biberent vinum: & non biberunt usque ad diem hanc, quia obedierunt præcepto patris sui. Ego autem locus sum ad vos, de mane consurgens & loquens, & non obedistis mihi. Misique ad vos seruos meos Prophetas, consurgens diluculo & dicens: Conuerterimini unusquisque à via sua pessima, & bona facite studia vestra, &c. Et non inclinastis aurem vestram, neque audistis me. Firmauerunt igitur filii Ionadab filii Rechab præceptum patris sui, quod præcepit eis. Populus autem iste non obediuit mihi. Idcirco hoc dicit Dominus exercituum Deus Israël: Ecce ego adducam super Iuda, & super omnes habitatores Ierusalem universam afflictionem, quam locutus sum aduersus illos, & non audierunt: vocauis illos, & non responderunt mihi. Domini autem Rechabitarum dixit Ieremias: Hec dicit Dominus exercituum Deus Israël; pro eo, quod obediistis præcepto Ionadab Patris vestri, & custodistis omnia mandata eius, & fecistis universa, qua præcepit vobis: propriea hac dicit Dominus exercituum Deus Israël: Non deficit vir de stirpe Ionadab filii Rechab, stans in conspectu meo cunctis diebus.

12. Vbi tria notanda sunt. Primum, præceptum illud, quod datum fuit Rechabitæ, fuisse difficillimum. Quid enim difficilior, quam viros & vxores, filios & filias, non tantum ad breue tempus, more Nazariorum, sed in perpetuum abstinere ab omni vino, numquam habitare in domibus, numquam servare agros, numquam plantare vineas? Secundum, hoc præceptum non fuisse diuinum, sed humanum, ut pater ex antithesi, quam Deus facit. Sic enim argumentatur: Si Rechabitæ seruant præceptum, quod ab homine acceperunt, quanto magis Iudei debebant seruare præceptum, quod à Deo

à Deo acceperunt? Tertiò, Rechabitas non solum rectè ac laudabiliter fecisse, quod obseruarint præceptum parentis sui Ionadab, sed etiam meritos esse à Deo peculiarem benedictionem: sicut è contrario, Iudæos meritos esse pœnam & afflictionem. Nam Rechabitæ dicitur: *Non deficiet vir de stirpe vestra, stans in conspectu meo cunctis diebus.* Iudæis autem: *Ego adducam super vos afflictionem.*

13. Hinc si sapiunt, colligant aduersarij nostri hæc pauca. Primò, præcepta hominum non esse contemnenda. Secundò, sicut Rechabitæ laudabiliter fecerunt, seruando præceptum parentis sui Ionadab; ita laudabiliter facere Catholicos, seruando præceptum matris Ecclesiæ. Imo tanto laudabilius, quanto maior est authoritas Ecclesiæ, quam priuati hominis. Tertiò, Catholicos propterea non deficere(deficientibus Manichæis, Pelagianis, Donatistis, & aliis hæreticis) quia seruant præcepta Ecclesiæ; & quo quisque accuratius ea seruat, eo maioribus à Deo beneficiis cumulari. Alios verò propterea sensim deficere, quia ex una parte contemnunt præcepta Ecclesiæ, in quo deficiunt à Rechabitæ: & ex altera, non seruant præcepta Decalogi, in quo similes sunt Iudæis. Et ut aliquam suæ ignauiae prætexant excusationem, aiunt: præcepta Decalogi esse impossibilia. In quo singunt Deum tyrannum, quasi præcipiat homini sub graui pœna, quod ab homine præstari nullo modo possit.

CAPVT

CAPVT X.

De Sectariis Synagogæ, qui erant Pharisei, Sadducei, Esseni.

I. **G**OMMUNIS sententia est, tres fuisse Iudæorum sectas, nempe Phariseorum, Sadduceorum, & Essenorū. Ita Flavius Iosephus libro 2. cap. 12. Hieronymus lib. 2. contra Iouinianum, Chrysostomus, Theophylactus, Oecumenius in cap. 22. Actuum Apostolorum, Abulensis in cap. 3. Marth. quæst. 63. Serrarius lib. 1. Trihæresij cap. 3. & alij. De hoc triplici Sectariorum genere breuiter agendum est hoc ordine. 1. Vnde dicti sint Pharisei. 2. Ex qua tribu & familia fuerint. 3. Quæ fuerint illorum dogmata. 4. Qui moros & instituta. 5. Quando & quo auctore cœperint. 6. An fuerint distincti à Scribis, 7. Sadducei vnde dicti. 8. Quæ illorum dogmata & instituta. 9. Qui hoc tempore similes Phariseis & Sadduceis. 10. Esseni vnde dicti, & quæ illorum dogmata & instituta.

QVÆSTIO

P